

晦香詩鈔

埽葉山房印行

晦齋詩鈔卷三

青浦諸聯星如氏撰

村居

為避軟紅十丈塵。全家移住水雲村。牆頭露出蕭蕭竹。又被遊人來叩門。

寄金寶函

半生忤俗寄祇林。兩鬢凋殘尚苦吟。勁柏自成霜雪命。閒鷗終抱水雲心。劇憐燕子家何在。痛惜梅花瘦不禁。細數近來知己盡。相酬為勸酒杯深。

偶然作

夙昔事章句。詞淺才亦薄。唐賢與宋儒。一一真高閣。本以道性情。何用竊糟粕。縱筆任所之。聊為自娛樂。若云詩人詩。他年更斟酌。

春午寫興

三春烟景畫圖開。垂柳絲絲手自栽。濁酒近憐賒有店。新愁重悵嫁無媒。未曾閉戶松風至。恰欲澆花山雨來。差信前緣天不負。白鷗野水定何猜。水木清華屋幾間。翻因貧病得安閒。石牀塵淨和雲卧。竹徑詩成帶雨還。一片冰懷依碧宇。十年綺夢繞青山。近傷世上宜羅滿。不忍開籠放白鷗。

萬斛塵埃預剷除。安仁小賦是閒居。原無死後能傳事。且讀生前未見書。指腹終嫌曾負我。看花畢竟最憐渠。寄言好友春明客。金馬功名付子虛。賣錫人過驗新晴。嬾向階前曳杖行。捲起珠簾飼乳燕。拈來金彈打流鶯。心憐一寸如絲亂。愁賸三分到夜生。劍白燈青空搔首。幽栖從此謝時名。

寒牕

山深鳥定巢。夜永風初靜。明月下梅梢。併作孤牕冷。

重宿真靜菴

梨堆晴雪柳吹綿。款段重停古寺邊。一盞酒邀無主月。幾枝花媚有情天。溪頭今又追三笑。樓上前曾住二年。為囑鐘魚須寂寂。僧房人自要清眠。

寄陳花南梅莊

半畝騷人宅。蕭然寄水灣。新詩都在畫。好夢不離山。村酒偏能醉。浮雲相與閒。由來驢背客。俱住此中間。

自題聽泉圖小影

朝理東山屐。晚至南山岑。上懸數仞石。下噴千尺潄。輕風吹不斷。瀉出聲悵悵。既以適我聽。即以清我心。有時奏朗朗。如撫雲和琴。有時哀切切。如搗秋城砧。洵然覺愈。

靜難為俗耳。歲憶昔入闌闌。宛轉無好音。鐘呂竟寂寞。箏笛徒妖淫。嘈啾強相聒。塞耳恐不禁。何如此清響。滌盡塵器襟。枕流愜所願。重賡幽澗吟。

舟行遇逆風

十年心迹在征槎。其奈當風願又賒。涉世何須計順逆。前行猶恐易橫斜。最憐望處程無極。還好吹將夢到家。寄語榜人休悵快。回頭便有生涯好。

盼家信不至

自覺離鄉久。蕭條詩思清。鶯花空有夢。魚雁本無情。客夢孤燈遠。春愁細草生。迢迢芳信杳。何日是歸程。

客館聽雨

經年蹤跡類浮萍。客館虛空睡易醒。祇為思家情悄悄。一宵夜雨未曾聽。

灘行

莫說灘行險。臨風氣象豪。舟從山底轉。人立水心高。江勢驚千折。羣生寄一篙。最憐聽不得。夜半有呼號。

寓樓

對酒俄驚歲序新。天涯依舊苦吟身。才聽隔院三更雨。又是深秋一夜人。下第劉蕡

惜骨相。登樓孫楚費精神。明朝為剪芭蕉樹。莫使愁聲到枕頻。

歸舟有作

腸是冰霜骨是仙。手持蘭漿泝寒烟。征鴻西去翻秋影。流水東來響夜絃。鷗夢如雲迎倦客。浪花和月上歸船。清游漫說舟居好。盃斚攜時意惘然。

夜行

扁舟安穩過江關。衰柳丹楓烟水間。月上小牕人不寐。櫓聲搖過碧溪灣。

過紹興

晴帆斜挂泛遲遲。岸上清歌繫所思。一棹烟波苔影亂。浣紗人去未多時。

再過留雲小榭

潦草探遊日易斜。鰐鬚簾捲客停車。尋思往事歡猶在。得補前緣興未賒。久坐又添今夜酒。隔牆還見去年花。非同崔護重來感。會有新詩寫絳紗。

山中遇雨

隨雲入深山。山深雲更雜。蕭蕭涼雨來。綠染鬚眉濕。

與同人燕集即送別

秋色忽然暝。嘉賓會滿堂。客心若明月。添我四壁光。然燈佇遂夕。共吐金玉章。言詩

貴達意。無取詞矜張。同持一杯酒。溶溶生妙香。東風爾何事。來吹冰雪腸。飲之不成醉。攜手歌河梁。

題莊泖客停雲圖

先生本是蒙周嗣。讀書却讀陶公詩。手把一卷意莫釋。繪圖誣諉題清詞。我來敢作忘年友。披襟細酌如漉酒。同被狂名誤半生。談詩竊幸肩隨後。公言邇年不得志。憔悴青衫竟如此。遺掛徒傷潘令神。空牀又冷姜肱被。向禽事畢願猶乖。身如斷梗無憑倚。賴有何郎解好名。特開東閣來邀迎。斡山之北花冥冥。捲簾恰見羣峰青。山是主人君是賓。靜看天際閒雲生。閒雲為客君主人。無心相對宛有情。山雲縷縷空中布。斯時獨坐還思故。故人迢遙音信稀。適我披雲為把晤。徘徊野水間徙倚。斜陽路庭前桃李花正開。謂春園書田追隨杖藤軒中來。瓊姿異彩皆奇材。臨風暢興傾心懷。心懷各繚亂。東風吹不斷。男兒何處非窮途。唾壺擊碎聲烏烏。歌罷意如何。欲別淚轉多。別時慷慨將詩送。臨歧努力相珍重。回首遙看嶺上雲。青山自繞相思夢。

書齋獨坐

偷得閒中趣。胸懷且放開。消愁尚有物。避債竟無臺。見月詩飛起。推窗山走來。此間宜小坐。清影暗相陪。

逢僧

遙望東南山。山頭繞烟樹。中有古茅庵。藏在花深處。老僧不肯居。讓與閒雲住。整理離塵衣。蒼茫山下去。迨吾上山來。中途適相遇。一揖了無言。各自尋其趣。

招友泛舟溪上

桃花千點雨。楊柳一溪烟。春意已如此。詩情愈渺然。擬招世外客。同泛畫中船。倘得逢僊子。三生話舊緣。

紙鳶

羽翼初成自展舒。糊來片紙恰凌虛。纔離黃土人爭羨。得上青天我不如。顛倒或因亡綫索。飛騰至竟仗吹噓。看他搖曳雲中去。知否東風有疾徐。

對山

青山不媚人。嶙嶙見清絕。直入軒窗來。相對兩相悅。人愛山之顏。我愛山之骨。骨秀容自妍。獨立愈皎潔。浮雲一蔽遮。便傷真態失。

自貶

好學劉伶善閉關。一身道健更蕭閒。生來兒女何妨拙。修得神仙也是頑。簾忽捲開窗外月。風曾送到屋前山。春明昨夜添奇夢。且付流雲自往還。

千山道中

欲訪三高墓。檣舟問四泉。青山藏小市。野水颺輕烟。孤客秋猶健。寒花晚自憐。前徽今已杳。悵望夕陽邊。

予不嗜酒而每飲輒醉客有相勸者賦以解嘲

余與酒如讐。能以酒為戲。偶到醉鄉中。別有小天。地腹奈類鼯鼠。量實同欹器。一勺便酩酊。可省持籌記。笑亦具肺腸。而難容瑣細。要知麴蘖貴。祇在令人醉。醉即不負酒。何須多寡計。伯倫五斗傳。左相萬錢費。洎乎玉山倒。與我毫無異。免謂獨醒人。臨觴取其意。諸公日沈湎。畢竟是何味。曷若早陶然。靜在匡牀睡。

聞鐘

三年溪上居。塵心都已定。無何蒲牢聲。隱隱遙相贈。諒是山僧詩。吟成發清興。錚鏦抑以揚。鶴在霜中應。如聆睇澤音。細和浮瀛磬。頓使濃睡人。迅起作傾聽。僉曰夜半時。入耳愈清淨。當頭一棒來。殘夢悚然醒。特恐自謂醒。究竟夢未竟。

宿隣舍

風雨更初歇。前村暫寄栖。層樓明月淨。平野白雲低。孤被縈殘漏。疎燈逼曉雞。歸來尋舊蹟。烟水正淒迷。

後園種蔬

我非用世才。小人守其職。家藏稼圃書。迄今猶記憶。耘瓜莫傷根。噉韭應留白。野蔼與山蔬。青青滿晴陌。繫古多英雄。于斯作栖息。自顧何如人。胼胝敢休息。抱甕南軒下。東風吹絡繹。聿吟種豆詩。身勞情彌適。天公特愛憐。昨夜沛膏露。更喜於陵妻。相將為勦力。

新葺書齋

溪上初編六枳籬。塵蹤于此復羈縻。卧看雲態情偏遠。坐聽濤聲懶自宜。豪氣已除猶帶劍。爭心未化且彈碁。得閒更把農書讀。春種吳菰秋種葵。一徑蓬蒿乍剪裁。居然管領白雲隈。樓于春夏秋冬好。客自東西南北來。天畔烟霞曾有約。山中鳥獸本無猜。不求許伯長安第。水榭巖扉面面開。何處可容自在身。泥塗四壁特翻新。深山似欲招偕隱。明月依然結比鄰。不敢詣人慙少賤。未能作客笑長貧。神仙富貴都無分。休向蕊珠問紫宸。栖遲奚必號蓬萊。親室營成亦快哉。病起每憐春色老。風寒剩有杏花開。酌殘濁酒愁仍在。看到名山詩又來。倚著回闌知晝永。呼童細掃紫莓苔。

讀青蓮集

噫吁嚱奇哉。李唐開元天寶間。竟有神仙天上謫下來。岌岌烏紗帽。奕奕金鞵靴。口中
吐出火齊木難雲精銀礫無數紅玫瑰。是以河漢為精液。冰雪為心懷。雲霞為氣魄。
日月為形骸。故能噴背吸鼻。驅風鞭雷。獸挺鳥竄。山鳴谷應。草腓花笑。鬼泣神哈。發
萬彙之凝積。鼓元氣于胚胎。盲左何豔。腐遷何賅。蒙莊何幻。正則何哀。士龍何笑。曼
倩何諧。蓋從開闢至今。實未見有如此之人。與如此之才。當時漢西草堂寓狂客。涕
淚滿面拖麻鞋。藍立猶嫌作詩苦。何況餘子皆與儔。慨自建安以後。狃綺靡。大雅一
振披烟霾。飄飄紫霞想。嘯傲匡山隈。五歲誦六甲。二十遊蓬萊。歷抵趙魏燕。晉吳楚
齊魯西。邠岐南。江淮世人欲殺焉。敢久徘徊。徑踏六鼇飛上軒轅臺。紫皇賚以蝦蟆
藥。盪滌臟腑無塵埃。閭闔九門住不快。要佞金鑾殿上嬌花開。辭天職下天街。水火
土木四星迭從憑。復至長安市上痛飲三百杯。須臾玉山頽。宛有人來推。憐彼蟣蝨
士。如鶴氅。種如馬虺。虺如壁上蠅。蛭井底蛙。而乃耳眩目瞢。搖唇擺舌。歸諸詩仙酒
聖多疑猜。亘千百億萬歲後。更無銅筋鐵膽之人。與白校藝而掄材。噫吁嚱奇哉。

岑谿

莫謂前無山。笱山入牕內。莫謂旁無水。淞塘流檻外。笱山雖不高。雲生具姿態。淞塘
雖不深。潮來亦澎湃。卑淺世所遺。適與我相配。朝晚曳吟屐。謾喚漁樵輩。載賡擊壤

歌野心少畧礙一住三千年可償清淨債

固堂叔祖招同陳桂堂夜飲醉後集李白作歌

日色已盡花含烟金樽清酒斗十千。牀中繡被卷不寢。玉簫金管喧四筵。雕盤綺食會衆客。忽然高咏涕泗連。絡緯秋嘯金井闌。使人聽此凋朱顏。我觀自古賢達人。別有天地非人間。古人今人若流水。大江茫茫去不還。天生我材必有用。須行即騎訪名山。朱殿紅樓覺春好。滿堂空翠如可掃。丹邱談天與天語。勸酒相歡不知老。幾時可到三山巔。拔劍四顧心茫然。莫道詞人無膽氣。魂隨越鳥飛南天。昔在長安醉花柳。車傍側掛一壺酒。人生達命豈暇愁。詩成嘯傲凌滄洲。手持綠玉杖。身披翠雲裘。遊說萬乘苦不早。今日之日多煩憂。節士感秋淚如雨。東山白首還歸去。折翮翻飛隨轉蓬。驚濤洶湧向何處。白日不照我精誠。自餘鬢鬢直可輕。昨日破產今朝貧。半酣更發江海聲。吳歌楚語嬌不成。此時此夜難為情。

豔情

薄羅寶篋影翩翩。珠襪香腰分外妍。喚起紅兒裝束好。牡丹棚下打鞦韆。靚妝新式點輕黃。特揀晴天鑲洞房。忽地研羅裙帶解。東風勾出麝臍香。春梅初孕一身花。賺得歡遊綰鈿車。笑指牙牀可小坐。遞來金柄紫琵琶。

課花纔罷日西銜。愁捻金針倚枕函。小飲不妨深睡去。被郎偷解鳳凰衫。
酥胸膩臉巧安排。香汗頻添手自揩。潛到斜廊礙花朵。迴身重整翠雲釵。
眼波溜利注銀缸。側聽人彈竹裏窗。為囑來時須悄悄。刺桐花下有村厓。
杏花風軟燕呢喃。悄傍妝臺體太憨。認取鼠鬚綠筆底。半灣濃綠寫秋嵐。
低垂銀蒜護呆愚。仔細思量刺繡遲。刻蠟自嫌春夜永。金鈴小架弄鴉兒。
相思一點寄鮫綃。排悶新吹紫玉簫。記得拋毬攜小妹。雲軒車子度紅橋。
妖桃初綻柳惺忪。恁說藍橋徑未通。驀上心來愁萬種。背人撩鬢思匆匆。
罽裯蘄簟展宵分。羅被輕寒不忍薰。幾度隔簾呼桂子。嬌鬟細檢藕絲裙。
草痕黏著繡鞋彎。朱鳥窗前扣獸環。聽徹銀蓮花箭漏。夢中煙雨認巫山。

山中客至歌

山中昨夜太寂寥。柴門忽有人來敲。悄然出視杳無迹。但見梅花一枝獨在風前搖。
今夜敲來較更早。想又此花故意閒相撩。未暇出門去。任其聲蕭蕭。蕭蕭響不止。漸
且添叫號。乃知來者竟我故舊交。不是昨日梅花梢。雖然不是梅花梢。品格亦與梅
同高。袖中詩句如花嬌。吟來樹底一聲向雲中飄。君酌酒。我吹簫。閒愁十斛皆鎔
銷。花亦欣逢知己到。高枝等著纖枝招。客怕梅花酬應勞。瞞却梅花為遁逃。誰知送

客出門門閉牢。門被梅梢敲一宵。

聞子規

利雨共風花亂飛。子規啼罷淚沾衣。故鄉未必皆安樂。何用聲聲勸客歸。

折楊柳

楊柳青青樹。當樓發幾叢。勸君休折盡。留取待春風。

採蓮歌

吳姬採蓮淥水洲。豔妝嬌上木蘭舟。紅霞片片耀朝日。綠蓋層層映碧流。畫櫓悠揚過香處。小立風汀與烟渚。名花也自號傾城。隔水盈盈見笑舞。纖手摘來中心傷。為看並蒂雙鴛鴦。儂家姊妹纏綿意。還惜天涯獨處郎。回首臨風思脈脈。清歌欲轉嬌無力。斂身不敢到花前。怕見花開奪顏色。夕陽歸去蕩輕波。棹入迴塘一曲歌。拆散空房少蓮子。傷心無奈別愁多。

乞花得人字

隔牆偷見一分春。來往東風不厭頻。對面翻疑曾有約。沿門至竟笑無因。花雖作意應憐我。福本無多且向人。幾度商量還徙倚。又隨蝴蝶過芳隣。

乞花場畔溯芳辰。舊事流傳又換新。西子或嫌來唐突。東家何苦費逡巡。前緣未斷

聯今夕小惠無傷勸主人聞道丁娘歌十索相將同與話情親
昨宵細語訴花神儂與花枝有舊因佳話不妨姑啟口美人曾否會分身明知好事
都難就如此癡情更幾人以後金鈴須繫穩年來我亦慣憐新
廿年傲骨太嶙峋却為閒情似變身縱使因空能悟色何如着手便成春事非安分
原無賴心解憐香尚可人祇怕近來憔悴甚好花移到易生嗔

東風

輕薄風來花事虛一番春色又消除莫嫌滿地飄零盡前日吹開亦是渠

題友人照

細林山下樵客圓泖湖畔人家招約鷗朋蝦侶評量紅岫青霞
鶴去踏殘曉月燕來銜住春風莫負花晨烟夕共攜茶具詩筓

鳳仙花

碧盎攜來品不高花開五色似將翱君身未必有仙骨客意何須問鳳毛自古女兒
多豔麗而今婢子亦風騷一枝獨向階前舞始信雞冠是後曹

雜詠古蹟

極浦蒼茫浪有痕美人去後迹無存紅顏空死奸雄手碧水誰招環佩魂野岸銀箏

愁粉淚寒江五笛咽黃昏。銅臺不鎖當時豔。一片漳流繞墓門。第笛浦

縱騎驚心甘墜樓。回思故寵易生愁。淚拋一斛珠何在。義著千春井尚留。金谷花殘

綠珠井

歌懊惱。綠蘿人去想風流。芳魂不共珊瑚碎。明月寒泉滿目秋。馬嵬驛

風吹驛路暗塵沙。豔骨空埋閱歲華。自是玉環真薄命。可憐天寶竟無家。霓裳回首

馬嵬驛

聲初歇。鈿盒傷心願已賒。惆悵年年寒食後。蜀鵲啼斷草烟斜。朝雲墓

朝雲墓

題楊帆載月圖

晶蔭江水秋。扁舟蕩蘭漿。幽人乘興來。長歌擊烏榜。彷彿瀟湘游。芳洲月初上。黃陵

七夕詞

何處邊斑竹。蕭蕭響。揚帆對孤影。高懷托俯仰。吟成楚客詞。披圖發遐想。

子舊稿中得五六二語因續成之

梧桐葉落金甃井。夜半庭前祭始影。瑤階璇闕浮無塵。今歲今宵是令辰。寶扇仙車

渺河漢。天上人間魂欲斷。鄰家少婦不知愁。私自開簾看女牛。

晚來翹首見冥鴻。世事蒼茫感慨中。茆屋騷人悲蝕月。蘭臺詞客泣雄風。休言馬骨

收燕市。自古蛾眉妒漢官。獨上高樓頻望遠。淒涼平楚接長空。

送弟裕昆之金陵應試

城頭月出流輝光。渡頭風暖浮輕航。客子唱歌臨大道。阿兄執手重徬徨。今日相攜一樽酒。明日挂帆大江口。寒潮素舸江上迎。草色遙憐白門柳。秦淮之水金粉流。前朝遺蹟空淹留。珠簾十里當官路。玉樹三秋傍畫樓。為君重說當年勝。烟月南朝恣觴詠。江令文章藻思推。王家子弟交游盛。即今誰稱作賦材。吾家惠連多奇才。鯢鵬變化轉眼事。明年與爾登燕臺。故人豈無楊得意。丈夫難忘顯揚志。佇望神明簪筆來。詞臣應作長楊侍。我今送君且盡歡。尊前相對花漫漫。不見六朝賓從皆文士。待爾秋風振羽翰。

偶興

側側深寒睡未成。靡蕪徑畔月三更。佳人體態疑花影。小鳥歌喉奪慢聲。天下有情多薄福。春宵無夢亦虛生。何時身與游絲併。綰住東風不放行。清愁飛上兩眉峯。獨坐蕭齋黯淡中。淺水更于烟際綠。斜陽偏向柳梢紅。孤懷却見纖纖月。病骨難禁面面風。閒向彩雲頻悵望。簫聲疑有鳳樓通。茗椀琴牀興未賒。心情草草復花花。烏絲紅袖張三影。涼思柔腸溫八叉。遠岸樹迷

蝦菜市隔江雲凍竹林家。晚來吟筆知還健。莫遣星霜到鬢華。
儘教貧病一身兼。休咎休從卦肆占。未必才多果有患。敢云年少不能廉。秋來鶴骨
憐何瘦。入夜蓬心覺又添。別恨漸深無處寄。綠毫應與問江淹。

賈太傅

落葉蕭蕭湘水濱。治安有策悵徒陳。長沙早已悲遷謫。宣室何須問鬼神。尚計死生
傷鵬鳥。空憐詞賦弔靈均。須知痛哭櫻朝忌。絳灌由來惟幄人。

太史公

款款偏來英主憎。一言賈禍竟何憑。龍門知己非壺遂。蠶室傷心是李陵。刀鋸之餘
身未辱。春秋以後史誰能。劇憐難遇齊嬰薦。貸殖書成感不勝。

秋夜詞

朔風沈沈露滑滑。清影攬來澹無主。老蟾瘦損霜娥驕。蟋蟀憐秋替秋語。孤燈欲死
魂忽飛。閃向西窗看碎雨。徹曉鄰機聲不流。織盡相思情一縷。

月夜愛筠古苔至

佳人隔煙水。明月離雲嶠。忽然東風吹。輝光一齊到。相對各解顏。無言領其妙。還歌
窈窕章。新聲恰同調。